

## REGLUGERÐ

### um breytingu á reglugerð nr. 1038/2010 um merkingu og rekjanleika erfðabreyttra matvæla og erfðabreytts fôðurs.

#### 1. gr.

1. gr. reglugerðarinnar orðast svo:

##### *Gildissvið.*

Reglugerðin gildir um merkingar og rekjanleika erfðabreyttra matvæla og erfðabreytts fôðurs eins og þau eru skilgreind í 3. gr. þessarar reglugerðar.

Reglugerðin gildir þannig um matvæli og fôður sem:

- a. samanstanda af eða innihalda erfðabreyttar lífverur eða
- b. eru framleidd úr erfðabreyttum lífverum eða innihalda efni framleidd úr erfðabreyttum lífverum, enda þótt erfðabreytta efnið greinist ekki í lokaafurðinni.

Reglugerðin gildir ekki um matvæli og fôður sem innihalda efni sem inniheldur, samanstendur af eða er framleitt úr erfðabreyttum lífverum í hlutfalli sem er ekki hærra en 0,9% af hverju innihaldsefni fyrir sig í þessum vörum eða vörum sem samanstanda af einu innihaldsefni; að því tilskildu að tilvist þess sé utanaðkomandi eða tæknilega óhjákvæmileg.

Reglugerð þessi gildir um matvæli og fôður sem framleidd eru „úr“ erfðabreyttri lífveru en gildir ekki um matvæli og fôður sem framleidd eru „með“ erfðabreyttri lífveru. Þetta ræðst af því hvort efni sem á uppruna sinn úr erfðabreyttu lífverunni sjálfri er til staðar í matvælum eða fôðri eða ekki.

Hjálparefni við vinnslu sem eru eingöngu notuð í framleiðsluferli matvæla eða fôðurs falla ekki undir skilgreiningu á matvælum eða fôðri og falla því ekki undir gildissvið þessarar reglugerðar. Sama á við um matvæli og fôður sem framleidd eru með hjálp erfðabreyttra hjálparefna.

Fóðrun dýra á erfðabreyttu fôðri eða meðhöndlun dýra með erfðabreyttum lyfjum veldur því ekki að afurðir dýranna teljist erfðabreyttar.

#### 2. gr.

Eftirfarandi breyting verður á 3. gr. reglugerðarinnar:

Skilgreining „rekjanleika“ orðast svo:

*Rekjanleiki* er sá möguleiki að rekja erfðabreyttar lífverur og vörur sem eru framleiddar úr erfðabreyttum lífverum á öllum stigum setningar þeirra á markað í gegnum framleiðslu- og dreifingarferlið.

#### 3. gr.

a. liður 4. gr. reglugerðarinnar fellur brott.

#### 4. gr.

Eftirfarandi breytingar verða á 9. gr. reglugerðarinnar:

- a. Orðin „eða innihalda erfðabreyttar lífverur“ í 1. mgr. falla brott.
- b. Orðin „við flutninga“ í 4. mgr. falla brott.

#### 5. gr.

Reglugerð þessi er sett með stoð í 31. gr. a laga um matvæli, nr. 93/1995 og 7. gr. laga nr. 22/1994 um eftirlit með fôðri, áburði og sáðvöru, með síðari breytingum. Reglugerðin öðlast þegar gildi.

*Atvinnuvega- og nýsköpunarráðuneytinu, 17. október 2012.*

**Steingrímur J. Sigfússon.**

*Sigurgeir Þorgeirsson.*